

Nuorttâlij ristvanhimeh

Ärbivuávlávt páárnán lii adelum kyehti ristvaanhim, nissoon já almaa. Suoi iävá lah teikkâ lamâš parâkodde. Nieidâ kočcoh ristnieidân já kaandâ ristkaandân. Ristpäärní ristvanhimij láá nuorttâlâskielâst nomâttâs *ku' em/kue' mež*. Suoi iävá uážzum naaijâd koskânis já nuorttâliih láá-uv ettâm, ete “*čõrmm lij te'l siâng vue'lnn!*” adai pahâkkâs lii talle seeŋâ vyelni jis naaijâv. Ristpäärnán risteeni teikkâ risteeji pärni lii ristviljâ teikkâ ristuâbbi. Jis paarnijn lii ohtsâš ristenni te taan risteeni puoh ristpäärnih láá koskânis ristuâbih já ristviiljah. Sii kučuu *risttruâttan* adai risthyelkkin.

Eeji já eeni ristpäärnih láá ristuâbih já ristviiljah koskânis. Risteeji teikkâ risteeni vanhimeh láá ristpäärnán ristäijih já ristâkku. Talle ko ristpäärnán šadda jieijâs pärni te suu risteeči já ristenni uážžuv nomâttâs ristâkku já ristäijih.

Talle ko nieidâ naaijâi te sust lâi naaijâmist *vie'nccejä'nn* já *vie'ncce'čč* adai näimienni já näimieeči. Suoi iävá lamâš veltidhánnáá myerssee ristvanhimeh mutâ uáli távjá nuuvt lâi. Tággaár viäru lii lamâš ete heejâin ovdâl naaijâm näimienni váldâ myersee uáivist meddâl *pee'rveesk* adai nieidâkappeer. Talle sun leehâst nieidâ vuoptápárgâlduv já pärgid sunjin kyehti párgâlduv já kiásá taid uáivi pirrâ väi *šaamšík* adai eemeedkappeer piso uáivist. Näimienni čana myersee *šaamšík* uáiván já liijne mii kulá eemeedkappeer oolâ.

Ko ristvaanhim jaamij te ristalge laavij kyeddið ruosâ häävdi oolâ.

Käldee:

Tiäđui kälden Pirjo Lotvonon, nuorttâlâskielân tiäđuid nuurâi Raija Lehtola

nuorttâlâskielân	anarâškielân	suomâkielân
risttpuärräz	ristvanhimeh	kummit
risttnijdd	ristnieidâ	kummityttö
risttâ'lğğ	ristalge	kummipoika
risttpuä'res	ristvaanhim	kummi vanhempi
risttjeä'nn	ristenni	kummitäti
ristpäärnaž, risttpä'rnn	ristpärni	kummilapsi
pee'rvesk	nieidâkappeer	tytön päähinen
vie'nccejä'nn	näimienni	vihtiäiti
vie'ncce'čč	näimieeči	vihti-isä
vie'nccpaarr	hejâpaarâ ~ kálžá	aviopari
risttví'ljj	ristviljâ	kummivelji, kummin poika
risttvuä'bb	ristuâbbi	kummisisko, kummin tytär
risttä'jj	risteeči	kummin isä
risttäkk	ristenni	kummin äiti
kue'm, kue'mež	päärní ristvanhimeh koskânis	lapsen kummit keskenään, kummikset
risttruâđ	risthyelhih	kummisukulaiset
šaamšík	eemeedkappeer	vaimon pähine